



## **Resolución programa Ler conta moito 2018**

O vindeiro 16 de maio publicarase no Diario Oficial de Galicia a *Resolución do 9 de maio de 2018 pola que se lle da publicidade as axudas concedidas ao abeiro da Orde do 20 de febreiro de 2018 pola que se establecen as bases reguladoras da subvención a entidades locais de Galicia para a programación de actividades de dinamización da lectura nas bibliotecas e/ou axencias de lectura públicas de titularidade municipal, integradas na Rede de bibliotecas públicas de Galicia.*

**As bibliotecas ou axencias de lectura públicas beneficiarias das axudas do programa Ler conta moito deberán:**

1.- **Seleccionar as actividades de animación á lectura** que van a realizar polo importe concedido, no Catálogo Ler conta moito 2018, que a Secretaría Xeral de Cultura ten a súa disposición na páxina da Rede de bibliotecas públicas de Galicia <http://rbgalicia.xunta.es/solicitudes-subvencion-2018/login.php>

O **prazo** de solicitude será de 10 días, ata o **31 de maio**, inclusive.

As actividades seleccionadas por cada biblioteca ou axencia de lectura, quedarán confirmadas unha vez que sexan seleccionadas para que se visualicen na axenda de actividades do programa Ler conta moito. Pechado o prazo de selección, os cambios puntuais que xurdan da programación inicial (datas, horas, actividade...) deberán comunicarse ao Servizo do Sistema de Bibliotecas, enviando un correo a [lercontamoito@xunta.gal](mailto:lercontamoito@xunta.gal) ou no seguinte teléfono: 881 999 280 (Conchi) para a súa aprobación e actualización de datos na axenda de actividades Ler conta moito.

2.- **Programar un mínimo de dúas actividades** das establecidas no Catálogo Ler conta moito 2018.



3.- O **período de programación** de actividades comprenderá dende a data da publicación da resolución, **16 de maio ata 30 de outubro do 2018**, inclusive.

4.- O **importe concedido** a cada Concello deberá empregarse para **financiar o 75%** do custo de cada unha das actividades, debendo financiar con **fondos propios o 25% restante** de cada actividade.

Para o **pagamento total da axuda concedida** de 855,26 € o Concello deberá xustificar un gasto mínimo de 1.140,34 €. De xustificar unha cantidade total menor de 1.140,34 € a Consellería de Cultura, Educación e Ordenación Universitaria, aboará o 75% da cantidade xustificada.

5.- **As actividades deben desenvolverse en galego, nas instalacións da biblioteca** ou espazos anexos (no caso de compartir edificio), para manter unha relación clara entre o servizo bibliotecario e a actividade de promoción da lectura.

6.- **Confirmar as actividades** no programa de xestión de Ler conta moito, unha vez realizadas, nun prazo de **5 días hábiles** e cubrir a pequena valoración sobre as mesmas.

7.- **Incorporar o logotipo do programa** en todas as accións de difusión e/ou actividades complementarias.

8.- Cargar directamente no **blog do programa ler conta moito**, dispoñible no portal da Rede de Bibliotecas, unha imaxe que visibilice como foi o desenvolvemento da actividade na biblioteca así como un comentario explicativo que a acompañe, **ao remate da actividade ou nos cinco días posteriores**.

Por último, co fin de coñecer a opinión dos asistentes ás actividades, ponse a disposición de todas as bibliotecas ou axencias de lectura participantes no programa unha enquisa de



avaliación para que a pasedes ao remate da actividade e deste xeito saber o grado de satisfacción dos usuarios.

Os resultados destas enquisas e as vosas opinións teranse en conta no momento de seleccionar actividades para o catálogo do vindeiro ano e para poder mellorar algún aspecto do programa.

**Lembrede comunicar aos artistas que deben facturar a totalidade do importe da actividade ao Concello que a contratou para a súa realización na biblioteca ou axencia de lectura.**

Para calquera dúbida poderá enviar un correo a [lercontamoito@xunta.gal](mailto:lercontamoito@xunta.gal) ou no seguinte teléfono: 881 999 280 (Conchi)